

Es solucions des brinhons

CM L M A

Nòm:


Grop:

Després de quadrar es compdes, o era comptabilitat, coma diderie Work, es dues abelhes obrères anèren a trobar a Fer entà explicar-li es resultats obtengudi. Fer, preocupada pera situacion dera senhora Api, li didec a sa mairia, era senhora Remei, e a Guit que tanben i anèssen. Calie era opinion de toti entà cercar solucions.

- Quini an estat es resultats deth brinphon eth darrèr an? –demanèc Fer impaciente.
- Males notícies, senhora gerenta –didec Work.
- Eth darrèr an eth brinphon avec ues pèrtes de 6.295 € -didec Labora.
- Ei a díder qu'es despenes an estat superiores as ingrèssi per un impòrt net de 6.295 € -didec Work explicitant es chiffres que Labora aufríe.
- Era situacion ei preocupanta. Com podem apariar aguesti resultats? –demanèc Fer ara sua equipa.
- Creigui qu'auem un problèma de manca d'ingrèssi. Non guanham pro ! –opinèc Guit.
- O d'un excès de despenes –higec era senhora Remei.
- Dilhèu a arrason Guit. Aguesti darrèri cinc ans non auem venut tanta mèu –didec Work entà dar-li supòrt a Guit.
- E perqué? Era mèu ei igualment deliciosa! Com pòt èster que ne venam mens? –Era senhora Remei se mostraue estonada.– Ei evident qu'es ventes de mèu e gelea reiau son menors. Auem d'analisar es causes d'aguesta disminucion d'ingrèssi.

Era reünon anaue ben, se respectauen es torns, cada un des participants aportaue era sua informacion. Guit revisaue es sues anotacions sus er estudi de mercat e Labora e Work repassauen un per un un aute còp es chiffres obtengudes. Mentre, Fer anotaue es resultats dera reünon e era senhora Remei se mostraue atenta as opinions. Era comunicacion ère fluïda, era informacion se transferie e eth trebalh ère coordinat.

Entre toti aportèren diferentes solucions: Guit insistic en besonh de véner era mèu en envasi mès petiti entà melhorrar es ingrèssi, Labora proposèc cooperar damb d'auti brinhons e Work proposèc melhores mieiam-bientaus. Mentrestant, Fer revisaue es informes des sòns companhhs.





Conscient der esfòrç qu'auien hèt toti plegadi e deth trebalh qu'encara i auie per hèr, era senhora Remei arregraïc eth prètz hèt de cada un des membres dera equipa e les animèc a seguir aprenent e a esforçar-se a aplicar aquerò qu'auien aprenut entà melhorar es brinhons.

Fer se n'arrie contenta de tot ciò qu'auie aprenut e convençuda de poder convertir es brinhons en aqueth lòc ric e polit que sa mairia auie coneishut.

Despús de barrar eth libre, eth mestre, eth senhor Ramon, convidèc as sòns escolans qu'a compdar d'alavetz enes classes transmetessen ara rèsta de companhs es caracteristiques des empreses qu'auien imaginat. Ath delà, les animèc a explicar ara rèsta dera escòla coma les auie interessat era istòria de Fer e com auien desentortilhat es crotzaments d'antena dera senhora Remei.


① EN EISHAME

Ara fin dera istòria s'explique coma Guit, Labora e Work prepausen solucions. A continuacion trobaratz aguestes solucions.

Dividitz era classa en tres grops. Cada grop estudiàr en prigondor era solucion prepausada per un des amics de Fer: Guit, Labora e Work. Investigatz e discutitz sus aquerò que prepausen.

Un còp sigatz experts ena solucion que vos an prepausat es amics de Fer, auetz de hèr naui grops de tres personnes. En cada grop i a d'auer un expert dera solucion de Guit, un de Labora e un de Work. Compartitz ciò qu'auetz aprenut des vòstes solucions e discutitz quina credetx que pòt funcionar mès ben.


Escriuetz de forma individuau es vòstes conclusions.



Era solucion de Guit

- Com que venem era mèu ath detalh ath prumèr ofrent, eth prètz des ventes ei inferior e en mercat non se diferéncie era nòsta mèu de d'auta de menor qualitat- indiquèc Guit. Era senhora Remei semblaue estordida damb tantes paraules naues.
- Ath detalh, qualitat, ofrent? –era senhora Remei demanèc eth significat, perque entada era èren naues.
- Senhora Remei, non se'n hèsque, jo l'ac expliqui –intervenguec immediataments Guit. Quan parlam dera mèu ath detalh mos referim a qu'era senhora Api ven era nòsta mèu en bidons, a un senhor que despùs les ven ena fabrica. Era senhora Api non aufrís era mèu a d'auti possibles crompadors e aguest senhor ei eth prumèr damb qui contacte, eth prumèr ofrent. La produsís barrejant totes es mèus e fabrique es potets de mèu qu'es umans crompen enes botigues. Era gent preferís crompar petites quantitats. Açò hè qu'era excelléncia dera nòsta mèu non arribe ath consumidor e arrés la coneishe. Cau rebrembar qu'era nòsta mèu siguec guanhadora des concorsi de "Reina des Mèus" de Balaguèr e deth concors de FriAbril de Perelló.
- Quina ei era tua proposicion, Guit? –demanèc Fer.
- Plantegi envasar era nòsta mèu enes petiti envasi qu'utilizen es consumidores finaus. Se venem era mèu damb er envàs de 500 grams ac poiriem hèr a un prètz de 2,50 €.
- Espectacular! Enquia ara veníem bidons de 2 kg a 2 € e ara veneram envasi de 500 grams a 2,50 €. Com pòt èster? –Era senhora Remei semblaue estonada.
- Pr'amor qu'atau haram a veir ath client era qualitat dera nòsta mèu –responec Guit.

Era solucion de Labora



– Segontes era mia opinion, podem redusir despenes, gràcies ath trebalh en equipa des apicultors -plantegèc Labora.

– Com, a trauès d'ua cooperativa d'apicultors? –demanèren Fer e Work.

– Òc, ena convencion exposèren eth besonh de cooperar entre es apicultors e indiquèren que bères cooperatives les permetien redusir es despenes e véner amassa es productes –era abelha reina, era senhora Remei, rebrembaue era convencion des Tèrres de l'Ebre.

– Es apicultors son sòcis dera cooperativa e i compartissen experiéncies e collabòren en tot aquerò qu'an de besonh entà melhorar es sues empreses. Ath delà, es còsti se redusissen –indiquèc Labora.

– Ei cèrt! Es còsti de cada nau envàs pujarien 0,13 €. Atau, eth marge de cada envàs de mèu milhorarie –observèc Work


Fer entenie a parlar per prumèr còp de dus nauis concèptes: era cooperativa, que comprenie qu'ère trebalhar en equipa, e eth marge, deth quau auie dobles e demanèc a Labora que l'ac expliquèsse melhor.

– Ja sabi çò qu'ei un ingrèss, tanben çò qu'ei ua despena, mès ara me parlatz deth marge. Què voletz que me hèscia un embolh?

– Tranquilla, Fer, ei simple. Eth marge der envàs de 500 grams proposat per Guit serie eth resultat de restar-li ath prètz que crubam per envàs eth còst de producir cada envàs. Ei a díder, era rèsta serie $2,50 \text{ €} - 0,13 \text{ €} = 2,37 \text{ €}$.

– Susprendent! Enquia ara veníem 2 kg ath detallh per 2 € e mos costaue 0,52 €. Ei evident qu'eth marge milhorarie.

Era solucion de Work



– Cau elaborar mès mèu e, per açò, auem de besonh mès membres en brinhot –indiquèc Work.

– Perquè credetz qu'èm cada còp mens? –demanèc Fer

– Er aire ei contaminat, lord, ei toxic e es abelhes non pòden trebalhar –arresponc Work immediataments.

- Ath torn dera finca dera senhora Api i a plantacions de perseguèrs, pomèrs..., qu'utilizèn productes químics que mos hèn a quèir malautes. Son massa fòrts tà nosates –expliquèc Work.

– Ath delà, ara passen fòrça mès veïculs pera carretèra qu'arriba en nòste brinhot –higec Fer.

– Inclús es radiacions qu'emeten es telefòns mòbils mos afècten e mos hèn mau –didec Guit.

- En resum auem d'arténher èster mès abelhes obreràs e mos cau parlar damb era senhora Api entà que mete es nòsti brinhons aluenhadi dera carretèra e des camps de perseguèrs e pomèrs, a on er aire non sigue contaminat -expliquèc Work.

② AUEM CURIOSITAT

En equipa, responetz as qüestions següentes:

1. Guit parle de differenti envasi, investigatz en equipa coma Coca-cola, Nesquik, Bimbo e Oreo an diuèrsi envasi. Cada membre dera equipa serà expèrt en ua mèrca e enes sòns envasi. Cada expèrt aurà d'explicar tà qué servís cada envàs.
2. Work introdujis eth problème mieiambientau. Individuaument cercatz informacion sus era pèrta de poblacion mondial d'abelhes e es sues causes. 

Hètz grops de quate. Deisharam es gredons dessús d'ua huelha de papèr ath miei dera taula. Entre toti parlaram de quines son es causes qu'auem trobat. Cada còp qu'arribem a un acòrd sus ua possible causa, un membre deth grop prenerà eth gredon e ac escriuerà ena huelha. 

③ GESTIONEM ERA NÒSTA EMPRESA!

Cooperem! Coma grop pensatz com podetz associar-vos damb bèra auta equipa dera aula entà melhorar es dues empreses. Cada membre dera equipa a d'explorar e prepausar ua possibla cooperacion entà explicar-la as membres dera sua empresa. Deciditz quin tipe de cooperacion voletz desenvolopar. Quan auésquetz ua proposicion clara l'auratz d'enviar ara empresa qu'ajatz acordat. Tà hè'c, exposatz era vòsta proposicion deuant dera classa.

.....
.....
.....
.....
.....
.....
.....
.....
.....
.....